



RESOLUCIÓN R 9/2012 - VIXILANCIA DA RESOLUCIÓN R 4/2012 CONSELLO GALEGO DE COLEXIOS DE APARELLADORES E ARQUITECTOS TÉCNICOS

Pleno:

- D. Francisco Hernández Rodríguez, presidente
- D. Fernando Cachafeiro García, vogal

En Santiago de Compostela, a 18 de decembro de 2012.

O Consello Galego da Competencia (en diante, Consello), coa composición arriba expresada e sendo relator D. Francisco Hernández Rodríguez, ditou a seguinte Resolución o obxecto da cal é a vixilancia da Resolución R 4/2012, do 26 de setembro de 2012, recaída no expediente sancionador nº S 9/2011 incoado de oficio pola Subdirección de Investigación do Consello fronte ao Consello Galego de Colexios de Aparelladores e Arquitectos Técnicos por posibles prácticas restritivas da competencia prohibidas polo artigo 1 de *Lei 15/2007, do 3 de xullo, de defensa da competencia* (LDC) consistentes no establecemento de requisitos arbitrarios para a actuación dos arquitectos técnicos como peritos xudiciais.

ANTECEDENTES DE FEITO

1. O 26 de setembro de 2012, o Consello Galego da Competencia ditou a Resolución R 4/2012, en cuxa parte dispositiva acórdase o seguinte:

“ **Primeiro:** Acordar a Terminación Convencional do Expediente sancionador R 4/2012 por considerar adecuados os compromisos presentados polo presidente do Consello Galego de Colexios de Aparelladores e Arquitectos Técnicos consistentes en:



1. Absterse de elaborar as listas de peritos xudiciais que se remiten anualmente á Administración de Xustiza.
2. Absterse no futuro de elaborar as citadas listas atendendo a requisitos distintos dos establecidos legalmente.
3. Difundir na web dos colexios provinciais os termos da presente terminación convencional do expediente sancionador.

Estes compromisos son vinculantes para as partes, nos termos establecidos no artigo 52.2 da Lei 15/2007, e o seu incumprimento constitúe unha infracción grave de acordo co disposto no artigo 62.4.c) da mesma Lei.

Segundo: Instar ao Consello Galego de Colexios de Aparelladores e Arquitectos Técnicos a que acredite documentalmente o cambio no Regulamento da Agrupación de Aparelladores e Arquitectos Técnicos e Peritos Xudiciais de Galicia consistente na cesión da competencia para a elaboración das listas de peritos xudiciais aos colexios provinciais e que, para tal efecto, remita á Subdirección de Investigación copia da convocatoria e da acta da reunión do órgano colexial na que se aprobe a modificación mencionada, así como o texto íntegro do novo Regulamento.

Terceiro: Encomendar á Subdirección de Investigación a vixilancia desta Resolución de terminación convencional e, polo tanto, dos compromisos propostos e das obrigas impostas para o eficaz cumprimento daqueles."

2. Con data 7 de decembro do 2012, a Subdirección de Investigación, á que corresponde a vixilancia das resolucións do Consello Galego da Competencia, emitiu informe sobre o grao de cumprimento da resolución.



3. Na súa reunión do 11 de decembro de 2012, o Pleno de Consello Galego da Competencia deliberou e pronunciouse sobre o presente asunto.
4. Son interesados neste expediente:
 - O Consello Galego de Colexios de Aparelladores e Arquitectos Técnicos
 - A Dirección de Investigación da Comisión Nacional da Competencia



FUNDAMENTOS DE DEREITO

PRIMEIRO. - De conformidade co disposto polo artigo 42 LDC, corresponde ao Consello Galego da Competencia a vixilancia das resolucións e acordos que adopta en aplicación desta.

SEGUNDO. - Á vista do Informe de vixilancia do 7 de decembro de 2012, elaborado pola Subdirección de Investigación, o Consello considera que o Consello Galego de Colexios de Aparelladores e Arquitectos Técnicos deu debido cumprimento ao ordenado na parte dispositiva da resolución,

efectuándose as pertinentes comunicacións aos colexiados a través dos **TERCEIRO.** - Polo tanto, procede declarar o cumprimento da Resolución R colexios oficiais de Aparelladores, Arquitectos Técnicos e Enxeñeiros de 4/2012, do 26 de setembro de 2012, e acordar o peche da súa vixilancia. Edificación de A Corua, Lugo, Ourense y Pontevedra.

En virtude de todo o anterior, o Pleno do Consello Galego da Competencia coa composición recollida ao principio, vistos os preceptos citados e os demais de xeneral aplicación,

RESOLVE

PRIMEIRO. - Declarar que o Consello Galego de Colexios de Aparelladores e Arquitectos Técnicos procedeu a dar cumprimento ao ordenado en Resolución R 4/2012, do 26 de setembro de 2012, recaída no expediente sancionador S 9/2011.

SEGUNDO. - Dar por concluída a vixilancia do cumprimento da mencionada Resolución.

Comuníquese esta Resolución á Subdirección de Investigación e notifíquese aos interesados, facéndolle saber que a mesma pon fin á vía administrativa e que pode interpoñer recurso contencioso-administrativo ante o Tribunal



Superior de Xustiza de Galicia, no prazo de dous meses contados dende a súa notificación.